

“ŠTEDNJOM OSTVARUJEMO ŽELJE”

Intesa Sanpaolo Banka BiH povodom Međunarodnog dana štednje (31. oktobar/listopad) kreirala je Javni konkurs putem kojeg poziva svu djecu uzrasta od 5 do 9 godina, a koja pohađaju vrtiće (predškolske grupe) ili osnovne škole na teritoriji BiH da uzmu učešće na konkursu pod nazivom “Štednjom ostvarujemo želje”.

1. Organizator

Intesa Sanpaolo Banka d.d. Bosna i Hercegovina, Obala Kulina bana 9a, ID broj 4200720670007, kontakt telefon 033/ 497-555, kontakt e-mail info@intesasanpaolobanka.ba, te web stranica www.intesasanpaolobanka.ba.

2. Trajanje

Javni poziv objavljuje se 6.10.2021. godine u dnevnom listu Oslobođenje, na web stranici www.intesasanpaolobanka.ba i putem društvenih medija Banke. Objava tj javni poziv će imati detaljna pravila i način učešća, kao i formular za prijavu. Radovi će se moći dostavljati do 21.10.2021. godine, dok će pobjednik, kao i drugoplasirani tj trećeplasirani biti objavljeni 1.11.2021. godine putem društvenih mreža Banke, te web stranice.

3. Žiri

Pristigle radove ocjenjivat će posebna komisija koju imenuje Intesa Sanpaolo Banka.

4. Pravo na učešće

Pravo učešća imaju svi državljani BiH (djeca) uzrasta od 5 do 9 godina, koji pohađaju vrtić – predškolska grupa ili osnovnu školu registrovanu na teritoriji Bosne i Hercegovine. Prilikom prijave OBAVEZNO je popuniti Formular koji je sastavni dio Konkursa, a koji se nalazi na Web stranici Banke (u rubrici Novosti), te popuniti Izjavu vezanu za objavu radova (u ime djece Izjavu potpisuje roditelj/staratelj), a u ime vrtića, predškolske ustanove ili škole odgovorno lice .

5. Učešće

Intesa Sanpaolo Banka poziva sve vrtiće, predškolske ustanove i/ili osnovne škole, da se zajedno sa djecom prijave na Javni konkurs koji nosi naziv “Štednjom ostvarujemo želje” a koji je u potpunosti orijentisan na Međunarodni dan štednje. Potrebno je da djeca (GRUPNO) naprave određeni kreativni rad/djelo – npr. slika, pjesma, priča, video, maketa i sl, a o temi štednje i da takav rad pošalju na mail: interna.komunikacija@intesasanpaolobanka.ba (ukoliko je riječ o većim fajlovima, mail poslati putem stranica koje su namijenjene za prijenos teških fajlova), ili putem pošte/brze pošte na adresu Obala Kulina bana 9a, 71000 Sarajevo, s naznakom ZA JAVNI KONKURS “Štednjom ostvarujemo želje”.

6. Potpuna dokumentacija i poštivanje pravila Konkursa

Samo radovi koji budu urađeni GRUPNO, budu ispravno dostavljeni na jednu od navedenih adresa Banke, koji budu imali ispunjen Formular, i OBAVEZNO potpisanu izjavu za svu djecu koja se vide na fotografiji/video od strane roditelja/staratelja, i vrtića, predškolske ustanove ili škole koja je registrirana za rad u BiH. Svaka prijavljena grupa kojoj bude nedostajao jedan od navedenih dokumenata bit će automatski diskvalifikovana.

7. Objava dobitnika

Radovi se mogu dostaviti do 21.10.2021. godine (elektronski na mail), a navedeni datum je posljednji dan za predaju dokumentacije u vašu poštu. Nakon prijema svih pošiljki putem pošte bit će održano otvaranje i pregled radova i dokumentacije, zatim žiriranje, te objava dobitnika 1.11.2021. godine. Dobitnici će biti objavljeni na Web stranici Banke, kao i na društvenim mrežama.

8. Nagrade

Nagrade će se ogledati u smislu donacije i one su podijeljene na slijedeći način:

1. mjesto – 50,00 KM na štednoj knjižici Intesa Sanpaolo Banke za svako dijete iz grupe koja je pobijedila +2.000,00 KM za vrtić/predškolsku ustanovu/školu čija grupa osvoji prvo mjesto.
2. mjesto – 25,00 KM na štednoj knjižici Intesa Sanpaolo Banke za svako dijete iz grupe
3. mjesto – Poklon vaučer za cijelu grupu ovisno o dogovoru za posjetu projekciji određenog filma (kino) ili za posjetu igraonici ovisno od grada iz kojeg bude trećeplasirani, nagrada se odnosi na cijelu prijavljenu grupu

9. Otkazivanje

Organizator zadržava pravo da prekine konkurs u slučaju okolnosti za koje Organizator nije odgovoran, odnosno koje nije mogao spriječiti, otkloniti ili izbjeći, u kojem slučaju se oslobađa svih mogućih nastalih obveza prema učesnicima. Organizator ne snosi nikakvu odgovornost zbog tehničkih problema ili grešaka u unosu podataka i drugih razloga koji ne ovise od Organizatora. Učesnik koji učestvuje u konkursu prihvata prava i obveze ovih Pravila. Organizator zadržava pravo promjene Pravila uz prethodnu objavu u dnevnim novinama, društvenim medijima Organizatora i web prezentacije Organizatora. Odluke Organizatora donesene prema Pravilima o provođenju konkursa konačne su i obavezujuće za sve učesnike. U slučaju spora između Organizatora i Učesnika nadležan je Općinski sud u Sarajevu.

10. Osobni podaci

Učesnik je dužan prilikom davanja podataka dati istinite, tačne i potpune kontakt podatke o sebi. Učesnik je suglasan da ga Organizator kontaktira koristeći njegove kontakt podatke. U slučaju nedostupnosti Učesnika iz bilo kojeg razloga, uključujući netačne podatke ili nemogućnost uspostavljanja kontakta, a nakon 7 dana od objave Organizator nagrade može dodijeliti nagradu drugoplasiranom tj. trećeplasiranom.